

**Politiit paasiniaasartuisa inuit kiisalu inatsisitigut pisinnaatitaasut
pisussaataasullu il. il. pillugit paasissutissanik suliarinnittarnerat pil-
lugu nalunaarut**

Politiit paasiniaasartui (PET) pillugit inatsimmi § 7, imm. 2, § 8, imm. 2, § 9 a, imm. 3 aamma § 14, imm. 2 malillugit, peqqussut nr. 1622, 17. november 2020-kkut Kalaallit Nunaannut atuutsinneqalersoq naapertorlugit aalajangersarneqarpoq:

Kapitali 1

Politiit paasiniaasartuisa allagaatinik nalunaarsuiffii, paasissutissanik qarasaasiakkut katersuiffii il. il.

§ 1. Politiit paasiniaasartui suliat isertortumik paasiniaanerminnut tunngasut pillugit allagaatinik elektronik atorlugu nalunaarsuiffeqarput.

Imm. 2. Politiit paasiniaasartuisa suliamik pilersitsinerminnit suliat elektronik atorlugu nalunaarsukkatik, inuit kiisalu inatsisitigut pisinnaatitaasut pisussaataasullu pillugit paasissutissanik imaqaqngitsut, inunnet taamatut ittunut sammititamik misissuinnerminnut paasiniaanerminnullu atatillugu pissarsiarisimasatik, kingusinnerpaamik ukiut qulit qaangiunneranni piiasavaat.

Imm. 3. Politiit paasiniaasartuisa namminneq sulisutik pillugit suliaat aamma inuit isumannaatsuunerannik misissuinerit pillugit suliat imm. 2-mut ilaanngillat.

Imm. 4. Imm. 2 malillugu piianeq pinngitsoorneqarsinnaavoq, tamanna Politiit paasiniaasartuisa suliaasa isumagineqarnerisa pingaaruteqartumik mianerineqarnerisa pisariaqartippassuk. Piiaannginnissamik aalajangiisoqarpat, paasiniaasartut Tilsynet med Efterretningstjenesterne tamatuminnga ilisimatissavaat.

§ 2. Politiit paasiniaasartuini paasiniaasartut suliaminnut atasumik aamma allaffissornermut atasumik suliaminnut tunngasunik immikkut it-tunik qarasaasiakkut paasissutissanik katersuiffeqarsinnaapput.

Imm. 2. Inuit ataasiakkaat pillugit paasissutissat imaluunniit paasissutissat ataasiakkaat qarasaasiakkut paasissutissanik katersuiffiup pilersinneqarneraniit Politiit paasiniaasartui piiaanissamut piffissaliisinnaapput ukiut talimat tikillugit. Paasiniaasartut Tilsynet med Efterretningstjenesterne-mut

tamatuminnga ilisimatitsernermikkut qarasaasiakkut paasissutissanik katersuiffimmi il. il. inunnik, allattukkanik imaluunniit paasissutissanik pii-aanissamat piffissaliussamik qaqtuguinnaq sivitsuisinnaapput.

Imm. 3. Imm. 2 malillugu pii-aanissamat piffissaliusseq § 9, imm. 1-imi piffissaliussamat sivisunerusinnaanngilaq, taamaattoq tak. Politiit paasiniaasartui pillugit inatsimmi imm. 2.

§ 3. Paasissutissat tiguneqarnerminniit imaluunniit pissarsiarineqarnerminniit sapaatit akunneri sisamat qaangiutsinnagit allagaatinik nalunaarsuiffimmi imaluunniit qarasaasiakkut paasissutissanik katersuiffimmi nalunaarsorneqarsimanngitsut, tak. §§ 1 aamma 2, piiarneqassapput, paasissutissat imaluunniit taakku qanoq ittuunerat malillugu elektronik atorlugu toq-qortarineqarsinnaanngippata.

Imm. 2. Paasiniaasartut imm. 1 malillugu piffissaliusseq qaqtuguinnaq malissinnaanngippassuk Politiit paasiniartuuisa Tilsynet med Efterretnings-tjenesterne tamatuminnga ilisimatissavaat.

§ 4. Atortut tigussaasut, allagaatinik nalunaarsuiffimmi imaluunniit qarasaasiakkut paasissutissanik katersuiffimmi paasissutissanut attuumassuteqartut, aamma qanoq ittuunermikkut allagaatinik katersuiffimmut imaluunniit qarasaasiakkut paasissutissanik katersuiffimmut toqqorneqarsinnaanngitsut, tak. §§ 1 aamma 2, elektronikikkut paasissutissanut atugassarititaasut assigisaat atorlugit suliarineqassapput.

Kapitali 2

Suliarinninnermi isumannaallisaaneq

§ 5. Inuit, suliffeqarfiit il. il. Politiit paasiniaasartui imaluunniit qarasaasiakkut paasissutissanik suliarinnittoq sinnerlugit suliaqartut, aamma inuit kiisalu inatsitigut pisinnaatitaasut pisussaataasullu pillugit paasissutissanik takunnissinnaasut, taakkuninnga taamaallaat suliaqarsinnaapput Politiit paasiniaasartuinit ilitsersorneqarenermikkut, inatsit malillugu imaluunniit inatsit malillugu aalajangersakkat malillugit allatut iliortussaangikkunik.

Imm. 2. Ilitsersuut imm. 1-imi taaneqartoq tusagassiortut kiffaanngisuseqarnerannut ajoqutaassanngilaq imaluunniit eqqumiitsuliornikkut imaluunniit atuakkiornikkut inerititaqarnissamat aporfiussanani.

§ 6. Inuit kiisalu inatsitigut pisinnaatitaasut pisussaataasullu pillugit paasissutissanik suliarinninneq Politiit paasiniaasartuuisa qarasaasiakkut

paasissutissanik suliarinnittartumut suliakkiissutigippassuk, Politiit paasiniaasartuisa qulakkiissavaat qarasaasiakkut paasissutissanik suliarinnittartup inuit kiisalu inatsisitigut pisinnaatitaasut pisussaataasullu pillugit paasissutissat Politiit paasiniaasartui sinnerlugit suliarineqartut illersorniarlugit isumannaallisaanermut iliuitsit nalunaarummi taaneqartut qarasaasiakkut paasissutissanik suliarinnittartup malissinnaanera nakutigalugulu teknikkikkut aaqqissuussaaniikkullu isumannaallisaanikkut iliuitsit Politiit paasiniaasartuinit taaneqartut malinneqarnersut.

Imm. 2. Qarasaasiakkut paasissutissanik suliarinninnerup ingerlannera illuatungeriit allaganngorlugu isumaqatigiissutaat malillugu pissaaq. Isumaqatigiissummi takuneqarsinnaassaaq qarasaasiakkut paasissutissanik suliarinnittartoq taamaallaat Politiit paasiniaasartuinit ilitsersorneqarnini malillugu iliuseqartoq, aamma inuit kiisalu inatsisitigut pisinnaatitaasut pisussaataasullu pillugit paasissutissat, Politiit paasiniaasartui sinnerlugit suliarineqartut, illersorniarlugit isumannaallisaanikkut iliuitsit pillugit nalunaarummi maleruagassat assigisaanik qarasaasiakkut suliarinnittartumi suliarinninnermi atuuttut. Qarasaasiakkut paasissutissanik suliarinnittartoq naa-lagaaffimmi Den Europæiske Unionimut ilaasortaasumi suliffeqarpat, isumaqatigiissummi takuneqarsinnaassaaq, isumannaallisaanikkut iliuitsit pillugit aalajangersakkat, naalagaaffimmi ilaasortaasumi qarasaasiakkat paasissutissanik suliarinnittartup suliffeqarfigisaani inatsisitigut aalajangersagaatigut, pineqartumut atuuttut.

Kapitali 3

Politiit paasiniaasartuisa nammineq sulisuni pillugit suliai aamma isumannaallisaanikkut akuersissutitut suliai

§ 7. Inunnik paasissutissat pillugit inatsimmi kapitali 8-10 inunnik paasissutisat suliarineqartarnerannut tunngasut aamma pisortat ingerlatsinerat pilligu inatsimmi kapitali 4-6 Politiit paasiniaasartuisa namminneq sulisutik pillugit suliaanni aamma isumannaallisaanikkut akuersissutinik suliaanni inunnik paasissutissat suliarinerannut atorneqassapput.

Kapitali 4

Paasiniaanermik aallartitsinerni aalajangersimasuni misissuinernut akuersissuteqarnernullu periutsit

§ 8. Periutsinut misissuinerlut atatillugu atorneqartunut, tak. Politiit paasiniaasartui pillugit inatsimmi § 5, Politiit paasiniartuisa naalagaat maleruagassanik erseqqinnerusunik aalajangerssaassaaq.

§ 9. Pillaassutissiinermik pinngitsaaliissummik akuliunnerit tamarmik, ilanngullugit nalunaaruteqarnissamut isertuussinissaq, pisuni atasiakkaani tamani Politiit paasiniaasartuisa naalagaannit imaluunniit paasiniaasiartut inatsilerinikkut naalagaannit taassumaluunniit sinniisuinit pisuni atasiakkaani tamani akuerineqassapput.

Imm. 2. Pinngitsaaliissummik akuliunneq pineqartoq eqqartuussivikkut aalajangerneqartariaqarpat, akuersissuteqarneq imm. 1-imi taaneqartoq pitinnagu eqqartuussisarnermik inatsimmi maleruagassat naapertorlugit suli-aq eqqartuussivimmut saqqummiunneqassaaq.

Kapitali 5

Paasissutissanik pissarsineq ingerlatitseqqiinerlu

§ 10. Politiit paasiniaasartui § 4, imm. 1 malillugu, tak. Politiit paasiniaasartui pillugit inatsimmi § 3, piffissap erseqqinnerusup iluani inuit tamaasa pisortat oqartussaasuinut aalajangersimasumut imaluunniit inunnut eqimattanut allanut assigisaanik siumoortumik kinaassusersineqarsimanngitsunut saaffiginnissimasut pillugit paasissutissanik piniarpata, paasini-aasartut pissutsit aallaavigalugit sapinngisamik piaarnerpaamik nalilersus-savaat paasissutissat paasiniaasartut suliassaminnik isumaginninnerannut attuumassuteqarnersut. Taamatut ittoqannginneranik naliliisoqarpat, paasissutissat attuumassuteqanngitsut ingerlaannaq piarneqassapput.

Imm. 2. Paasissutissanik imm. 1-imi taaneqartunik taamaallaat pissarsiniartoqarsinnaavoq Politiit paasiniaasartuisa naalagaat imaluunniit paasini-aasartut inatsilerituuja naalagaat siumoortumik akuersiteqqaarlugu. Assigisaa atuuppoq tarnikkut nappaatit pillugit paasissutissanik piniarnermi imaluunniit peqqissuseq pillugu paasissutissanik mianernartunik pissarsiniarnermi.

Imm. 3. Politiit paasiniaasartuisa naalagaata Politiit paasiniaasartui pillugit inatsimmi § 4 malillugu paasissutissanik pissarsiniarnermut maleruagassat erseqqinnerusut aalajangersassavai.

§ 11. Inunnik paasissutissanik mianernartunik nunani allani oqartussanut taamaallaat tunniussisoqarsinnaavoq Politiit paasiniaasartuisa naalagaata imaluunniit paasiniaasartut inatsilerituuja naalagaata taassumaluunniit tullersortaata siumoortumik akuersissuteqareernerisigut.

Imm. 2. Politiit paasiniaasartuisa naalagaata paasissutissanik ingerlatitseqqiinnermut maleruagassat erseqqinnerusut aalajangersassavai.

Kapitali 6

Suliffiup iluani nakkutillineq

§ 12. Piiaanernik, qarasaasiamut isernernik, misissuinernik aallartitsinernik, paasissutissanik pissarsiniarnernik, paasiniaanerup nalaani akuliunnernik kiisalu paasissutissanik ingerlatitseqqiinnernik Politiit paasiniaasartui ataavartumik misiligutinik nakkutilliisassapput.

§ 13. Politiit paasiniaasartuisa naalagaat misiligutinik nakkutilliinnermut maleruagassat erseqqinnerusut aalajangersassavai.

Kapitali 7

Tilsynet med Efterretningstjenesterne-mut ilisimatitsisarneq

§ 14. Politiit paasiniaasartuisa Politiit paasiniaasartui pillugit inatsimmi § 9, imm. 2 paasissutissanik piiaannnginnissamik aalajangernertik pillugu Tilsynet med Efterretningstjenesterne ilisimatissavaat, paasissutissat Politiit paasiniaasartui pillugit inatsimmi § 9, imm. 1 malillugu piiaanissamut piffissaliussaq anguneqarsimagaluartoq.

§ 15. Politiit paasiniaasartuisa Politiit paasiniaasartui pillugit inatsimmi § 4-mik atuinertik pillugu Tilsynet med Efterretningstjenesterne ataavartumik ilisimatittassavaat.

§ 16. Politiit paasiniaasartuisa suliat isumannaallisaanikkut akuersissutinut tunngasut pillugit Tilsynet med Efterretningstjenesterne ataavartumik ilisimatittassavaat, suliani taakkunani paasiniaasartut allagaatinik allattuiffimmiit imaluunniit qarasaasiakkut paasissutissanik allattuiffimmiit paasissutissanik Justitsministeriamut, unnerluussinermut oqartussanut imaluunniit politiit immikkoortuinut allanut pinnatik oqartussanut allanut tunniussimappata, tak. §§ 1 aamma 2.

§ 17. Politiit paasiniaasartuisa paasiniaasartut paasissutissanik suliarinnittarneranni apeqqutit pingaaruteqartut tamaasa pillugit Tilsynet med Efterretningstjenesterne ataavartumik ilisimatittassavaat.

§ 18. Politiit paasiniaasartuisa paasiniaasartut inuit kiisalu inatsisitigut pisinnaatitaasut pisussaataitaasullu pillugit paasissutissanik suliarinninnerminni suliffiup iluani nakkutilliinerminnik suliaat pillugit Tilsynet med Efterretningstjenesterne ataavartumik ilisimatittassavaat, tak. §§ 10 aamma 11.

§ 19. Politiit paasiniaasartut allaffissornikkut maleruagassat nutaat, nakkutilliisut sulinerannut pingaaruteqartut pillugit Tilsynet med Efterretningstjenesterne ilisimatittassavaat.

Imm. 2. Politiit paasiniaasartut maleruagassat nutaat pillugit Tilsynet med Efterretningstjenesterne tamatumunnga qinnuteqaateqarpata ilisimatittassavaat.

Kapitali 8

Toqqorsivinnik tamanit takuneqarsinnaasunik piujuartitsineq

§ 20. Paasissutissat tigussaasut aamma elektronik atorlugu toqqortaausut toqqortanik naalagaaffiup Kalaallit Nunaanni suliffeqarfiinit pilersinnet qartut piujuartinneqarnissaat kasiilerneqarnissaallu pillugit aalajangersakkat malillugit kingulissanut piujuartinneqassapput piiarneqassanatik kasiilerneqassanatik. Paasissutissat taamatut ittut akerlianik maleruagassat malillugit pisortat toqqorsiviinut taaneqartumut nuunneqassapput.

Imm. 2. Paasissutissat imm. 1-imi taaneqartut suleriaatsikkut imaluunniit isumannaallisaanikkut pissuteqartumik maleruagassat malillugit pisortat toqqorsiviannut taaneqartumut nuunneqarsinnaanngippata, paasissutissat piffissamit suujunnaarsinneqaraluarfimminnut imaluunniit piiarneqarfissaraluaminnit, paasiniaasartut paasissutissaataasa sinnerinit immikkoortisimaneqassapput, taamaalilluni taamaallaat sulisunit Politiit paasiniaasartuisa naalagaata tamatumunnga piginnaatitaannit takuneqarsinnaassallutik.

Imm. 3. Paasissutissat maleruagassat malillugit pisortat toqqorsiviannut taaneqartumut nuunneqartussaasut, tak. imm. 1, suleriaatsikkut imaluunniit isumannaallisaanikkut pissuteqartumik pisortat toqqorsiviannut taaneqartumut nuunneqarsinnaanngitsut, tak. imm. 2, piffissamit suujunnaarsinneqaraluarfimminnut imaluunniit piiarneqarfissaraluaminnit taamaallaat Politiit paasiniaasartuinit suliarineqarsinnaapput, tamanna pinerluttulerinermi inatsimmi kapitali 7 aamma 8 malillugit paasiniaasartut unioqquitsinernik pinaveersaartitsinermik paasiniaanermillu suliaannut pingaaruteqarluinnartutut isigineqarpat imaluunniit tamanna pippat toqqortanik, paasisimasanik, nakkutiginninnermik ammaa assigisaanik suliaqarnermut atatillugu.

Kapitali 9

Atuutilerfia

§ 19. Nalunaarut ulloq 15. marts 2021-miit atuutilissaaq.

Justitsministeria, ulloq 16. februar 2021

Nick Hækkerup

/ Marie Mølsted